



Apúntate á compostaxe

PROGRAMA EDUCATIVO



revitaliza

PRESENTACIÓN DO PROGRAMA REVITALIZA

A xestión de residuos é un dos principais problemas ambientais aos que diariamente se teñen que enfrontar os Concellos. A Deputación de Pontevedra fai unha aposta clara pola colaboración cos concellos na posta en marcha de plantas de tratamento biolóxico e polo impulso da compostaxe, tanto a escala individual como comunitaria e comarcal.

É precisa a colaboración da poboación local para reducir os elevados custes da recollida e tratamento dos residuos, separando e levando a materia orgánica aos composteiros.

Este programa vai dirixido ao alumnado de primaria e secundaria dos centros educativos próximos aos composteiros comunitarios implantados pola Deputación de Pontevedra, acompañado dunha formación específica tamén para o profesorado.

OBXECTIVOS DO PROGRAMA

- Concienciar á comunidade educativa da problemática dos residuos.
- Acadar un cambio de actitudes e responsabilidade na separación dos residuos orgánicos domésticos.
- Compromiso persoal ante a redución dos mesmos e co uso dos composteiros comunitarios e individuais.
- Informar sobre a importancia da compostaxe como alternativa necesaria, ao ser máis económica e ecolóxica que os tratamentos actuais.

Obxectivos Específicos

- Traballar coa comunidade educativa centrándose nos ciclos de primaria e ESO dos centros educativos das zonas onde haxa composteiros comunitarios.
- Coordinar e facer un seguimento individualizado do programa educativo en cada centro, ofertando e adecuando as actuacións do programa ás demandas de cada equipo educativo.

✉ *Para calquera dúbida sobre o presente programa, contactar en:*

✉ revitalizapontevedra@hotmail.com ☎ 986264193 986505180 - 607351501

CONTIDOS DO PROGRAMA

➤ **Actividades didácticas en centros de ensino**

Realizadas no propio centro de ensino polo equipo didáctico de Revitaliza, coas adaptacións metodolóxicas oportunas segundo o nivel correspondente.

Solicitaranse cubrindo e enviando a ficha correspondente (véxase final do documento).

En todo caso, as actividades non terán custe para os centros.

1. Xornada de formación para o profesorado. (Ensino primario e secundario)

Achegamento á compostaxe e ao seu aproveitamento didáctico. Duración: 2 - 3h.

2. Charla-coloquio: A voltas coa compostaxe. (2º e 3º ciclo de E. Primario. Secundaria)

Achegamento ao tema do lixo doméstico (tipoloxía, volume, precaucións), a súa xestión e tratamento. O proceso de compostaxe da fracción orgánica.

Apoiada por material audiovisual e complementario. Duración. 1h.

3. Compostaxe infantil. (Ensino infantil).

Actividade introdutoria deseñada para alumnado de 3 a 6 anos. Comentario sobre un pequeno vídeo, conto sobre o tema e actividades con material complementario. Duración. 50 min.

4. Xogos sobre residuos. (1º ciclo de Ensino primario)

Realización de xogos cooperativos e tradicionais adaptados á temática, achegando conceptos sobre os residuos e a compostaxe dunha forma lúdica. Duración: 2 horas.

5. Poñendo en marcha o composteiro. (Ensino primario e secundario)

Posta en marcha do composteiro no colexio. Manexo, rexistro de parámetros (volume, temperatura, interpretación dos datos) e solución de eventuais problemas. Duración: 2h.

6. Quen vive aí? (Ensino primario e secundario)

Coa axuda de sinxelos capturadores de fauna, material de aumento e chaves dicotómicas, realizarase a identificación de invertebrados presentes no composteiro, sinalando a súa función no proceso. Duración: 2h

En secundaria e últimos cursos de primaria incluírá aspectos de ecoloxía poboacional (estimación da poboación de cochinillas mediante captura e recaptura).

7. Visita ao Centro de Compostaxe Comunitaria.

Visita ao centro de compostaxe comunitaria máis cercano ao centro de ensino, observando o proceso da compostaxe no contexto veciñal. Guiado polas explicacións do equipo didáctico e xs propixs mestrxs compsteirxs. Duración: 2h

➤ **Formación e asesoramento documental para o profesorado**

Asesoramento documental ofertado polo Centro de Documentación “Domingo Quiroga”.

<http://www.ceida.org/centro-documentacion-domingo-quiroga.html>

➤ **Exposición didáctica itinerante sobre compostaxe**

Composta por 9 paneis, e acompañada de trípticos.

O período de préstamo será de unha semana (incluíndo o tempo de traslado).

A cesión será gratuíta, encargándose o centro solicitante dos portes de transporte, montaxe e desmontaxe. O centro de ensino responsabilizarase dos materiais da exposición durante o período de préstamo, así coma do cumprimento das bases de cesión.



PROGRAMA REVITALIZA CURSO 2018-2019
FORMULARIO DE SOLICITUDE DE PARTICIPACIÓN

Centro			
Localidade			
Persoa de contacto		Cargo	
Teléfono de contacto		Correo-e	
Observacións			

Actividade solicitada	Ciclo/Curso	Núm. participantes	Datas preferentes (indicar varias opcións)

Eu ⁽¹⁾, _____
 en calidade de ⁽²⁾, _____
 do Centro antes citado, e na data indicada, confirmo a solicitude desta actividade.

Asinado ⁽³⁾

Data: _____

⁽¹⁾ Nome e apelido do que fai as veces de representante/interlocutor da entidade para esta comunicación
⁽²⁾ Cargo que ocupa: Director, Secretario, Coordinador de Emprendemento, Orientador, Profesor da materia, etc.
⁽³⁾ Enviar escaneado